

靜觀堂校正家傳幼科發揮秘方卷下

羅田萬全密齋先生著

龍巖鄭翥鴻舉較正

脾經主病

脾主困實則日晡身熱飲水虛則吐瀉生風實則瀉

黃散三黃丸瀉之

虛則益黃散異功散小建中湯調元湯肥兒丸補之

瀉黃散

治脾熱弄舌

藿香葉

七錢

山梔仁

二兩

石膏

五錢

防風

四兩

右剉蜜酒炒微香碾爲末水煎溫服

益黃散

治脾胃虛冷

陳皮 一兩

青皮 二錢

訶子 二錢

甘草炙 二錢

丁香 二錢

右爲末水煎服量大小加減

治脾胃寒濕太甚神品之藥也以補脾胃之虛謾矣病非嘔吐瀉利清白不可服也東垣云丁香辛熱助火火旺土愈虛矣青橘皮瀉肝丁香大瀉肺與大腸脾胃實當瀉子今脾胃虛更瀉子而助火重虛其土殺人無疑故以異功

散代之

錢氏異功散

溫中和氣治吐瀉不思食及脾胃虛冷痛

人參

白茯苓

白朮

甘草炙

陳皮

各等分

右爲末每服一錢半至二錢水煎服卽四君子加陳皮

調元湯

補脾胃扶元氣之聖方益脾土瀉火邪補元氣之要藥

黃芪蜜炙

人參

各等分

甘草炙

減半

右水煎不拘時服

小建中湯

治脾胃中氣虛損 加黃芪名黃芪建中湯

白芍藥 酒炒 炙甘草 各等分 肉桂 減半

右剉末水煎成劑去渣滓入白錫一匙再煎一沸溫服
肥兒丸

小兒脾胃素弱食少而瘦或氣強壯偶因傷食或因大
病後瘦此家傳秘方

人參 五錢 白朮 五錢 白茯苓 五錢 山藥蒸 五錢

蓮肉 五錢 當歸身 五錢 陳皮 二錢 青皮 三錢

木香 三錢 砂仁 三錢 史君子 三錢 神麴 三錢

炙甘草 二錢
桔梗 二錢

麥蘖 二錢

右爲末荷葉浸水煮粳米粉糊丸麻子大每服十五丸
二十五丸三十五丸四十五丸至五十九丸米飲送下

脾經兼證

諸因睡不思食吐瀉皆脾臟之本病也昏睡身熱宜胃
苓丸琥珀抱龍丸食之

吐瀉有冷有熱冷者不渴理中丸主之

熱者渴飲冷水五苓散調天水散主之

兼見肝證初傷風吐瀉惡風發熱煩急頓悶此宜發散惺
惺散主之

如先吐瀉後變慢驚風者不治

五苓散

能分陰陽止吐瀉利小便定驚悸

猪苓

澤瀉

白朮

赤茯苓

各等分

桂減半

右剉或爲末水煎加硃砂名硃砂五苓散加茵陳名茵

陳五苓散

天水散

一名六一散

一名益元散

除熱止渴化涎痰利小便

滑石

飛過六兩

甘草炙

一兩

右末碾均水調服

惺惺散

治傷寒時氣風熱痰涎咳嗽

四君子加桔梗

細辛

瓜蒌根

防風

各等分

右爲末小者每服一錢大者二錢入薄荷葉五片水煎至七分溫服剉亦可

兼見心證發熱昏睡夢中驚悸

宜東垣安神丸主之

渴飲水

硃砂五苓散

兼見肺證咳嗽昏睡氣促而喘者

宜葶藶丸主之

葶藶丸

治傷食衝脾傷食喘嗽痰涎喘促者

甜葶藶去皮隔紙炒 黑牽牛炒取頭末 防已

杏仁去皮尖 研爲膏各等分

右研和均取膠棗肉去皮杵爛入藥再杵丸麻子大每服五丸至七丸淡薑湯食後臨臥送下量兒強弱加減予今家傳去黑牽牛加蘿蔔子真蘇子炒入尤妙

兼見腎證羸瘦痿弱嗜臥不能起者宜脾腎兼補補腎宜

地黃丸

補脾宜養脾丸

如瀉久便膿血者死

補脾丸

此家傳補脾之聖方小兒脾常不足宜此補之

人參

一兩

白朮

一兩

茯苓

一兩

炙甘草

一兩

白芍

酒炒一兩

黃芪

蜜炙一兩

陳皮

一兩

當歸身

一兩

山藥

一兩

蓮肉

一兩

神麴

五錢

肉桂

二錢五分

右爲末荷葉水煮粳米糊丸如麻子大用米飲送下

一女嗜臥發熱項軟頭傾倒不能舉諸醫作風治而持疑

不決予至見之謂諸醫曰此陽虛病也蓋頭者諸陽之首

胃者諸陽之會此女必乳食傷胃胃氣不足故清陽不升而項軟不能任元也可服調元湯一劑而安人皆嘆服脾所生病

經云諸濕腫滿皆屬脾土

腫

腫有二經云面腫曰風足腫曰水

凡腫自上起者皆因于風治在肺宜發散之所謂開鬼門者是也鬼門汗孔也參蘇飲合五皮湯主之

腫自下起者因于腎虛宜滲利之所謂潔淨府是利其小便也故仲景云治濕不利小便非其治也宜五苓散

加防已檳榔主之

有一身盡腫者宜胃苓五皮湯主之經鬱則折之謂上下分消以去其濕發汗利小便此方是小兒者胃苓丸煎五皮湯送下

胃苓丸

此家傳十三方也

蒼朮

油浸一兩

厚朴

一兩

陳皮

一兩

猪苓

一兩

澤瀉

一兩

白朮

一兩

茯苓

一兩

甘草

三錢

官桂

三錢

菓仁

三錢

右爲末水麴丸麻子大米飲下此小兒常用之藥隨病

換引

先翁治小兒腫只用胃苓丸正方順取長流水入燈心煎湯送下每日午時用五皮料煎湯抱兒于房內無風去浴之浴罷上牀睡令一覺以薄被蓋之得微汗佳如是腫消而止未有不效者

五皮蕩

桑白皮

陳皮

生薑皮

茯苓皮

大腹皮

右用水煎

經紀萬邦瑞女二十七歲病癰甚異寅後午前上半身腫

午後丑前下半身腫上下盡消爲牝戶腫小便難諸醫不能治請予治之予曰經云身半已上天之陽也宜發其汗使清陽出上竅也身半已下地之陰也宜利小便使濁陰出下竅也正上下分消以去其濕之法唯半夜陰戶腫不得小便此又當從肝經求之蓋厥陰肝經之脈丑時起于足上環陰器又肝病者則大小便難用胃苓五皮湯發汗利小便也內有茯苓所以伐腎肝之邪木得桂而枯又以辛熱散肝經之水以溫腎之真寒濕也連服十一劑而腫盡消去矣

予奉先翁之教凡腫微者只用胃苓丸本方治之如面腫

甚者胃苓丸本方內加紫蘇葉二錢苦葶藶一錢隔紙炒
以去肺經之風足腫甚者本方內加漢防已二錢牽牛炒
取頭末一錢共爲丸燈心煎湯下吾有一二人不守先訓
專用葶藶牽牛爲治腫之藥隨消隨腫殺兒甚多累吾之
德雖禁之不能阻也

湖廣右布政使孫隆慶丁卯入場監試爲書經禮記總
裁有小姐病留全司中調理小姐誤食菱角傷脾面腫而
喘夫人憂之命全進藥全立一方用錢氏異功散加藿香
葉以去脾經之濕紫蘇葉以去肺經之風一劑而安場罷
後公出見其方謂全曰此方甚好取筆札令舍人孫環書

記之

小兒病嗽病瘡病瘡後腫者皆虛腫也

如受風雨水濕之氣而腫者實腫也

通用胃苓丸主之此家傳之法也

小兒諸腫不問虛實

竝用胃苓丸五皮湯主之此家傳也

如因喘嗽面目浮腫者宜消腫葶藶丸主之

如瘡後遍身浮腫者此因瘡發之後外中風邪內傷冷水
得之

宜胃苓丸用長流水順取入燈心煎湯送下更于日午

浴之法如前

如無他病浮腫者視其腫起之處治之

如自面起上半身先腫者此風腫也宜五皮湯加紫蘇葉防風主之

如從足起下半身先腫者此濕腫也宜五苓散防已木通主之

如腫久不消氣實能食者

宜利其水商陸胃苓丸主之

腎者水之根濕則傷腎小兒久坐濕地者多此疾

如氣弱食少者只以補脾爲主脾屬土土能勝水脾強則